

中國地方志集成

四川府縣志輯（新編）⑱

民國三台縣志

光緒江油縣志

巴蜀書社 · 鳳凰出版社 · 上海書店

第十八册

民國三台縣志

.....一

光緒江油縣志

.....四五三

國民

三台縣志

民國·林志茂 謝勳等 纂修

民國二十年鉛印本 二十六卷

三台縣志序

自古蜀北州郡繫全局重輕三台其衝要也余駐此有年整軍餘暇聞嘗訪名山之蹟誦杜老之詩其詠東山曰東山高頂羅珍羞下顧城郭消我憂其詠牛頭山曰青山意不盡衰衰上牛頭迄今江流巖泉之勝雖無改於昔而建設經營之事尚待人以興悠悠我思輒有所感夫一社會一民族一國家之演進推移由故而新由微而盛固因時代之自然趨勢亦賴人材之努力成功其間起伏變遷之跡足以垂示於後者實具有偉大之涵積以備觀鑒之資繼繼承承奮發罔輟如此則前人不斷之精神即今人不忘之印象如此則今人振興之事業又爲後人拓展之基源是以歷史有意義而後人生增價值志乘有義意而後民俗益昌榮史志之作將以裨羣昭遠非徒精於體例美於文辭僅成一家之言也三台續修縣志

三台縣志序

三台新民印刷公司代印

甫就謝知事天民言於余且以序爲請余慨頻歲以來有所興革而尙多不逮有所策進而尙多未周幸獲邦人君子之力助其成而漸以達惟是具體而徵者望謀以宏之因時待學者望謀以創之昔者五十里之滕孟子告以爲新爲善與教養之方遠人慕化願爲其氓三台幅境百里而強靈傑所鍾質文兼備人地皆足以有爲苟得羣策羣力治理一新庶幾此志之成不爲虛作方來之績將期永茂此則區區之願諒亦邦人士所同情也

中華民國十八年十一月簡陽田頌堯識

三台縣志序

三台爲隋唐以來重鎮帶涪江而介成渝固昔賢遊詠之地而亦川西北綽綽之區文獻足稽盛榮猶昔夫進化歷史固靡有窮期其繼續光大之責則後起尤重於前賢志乘之義非徒以紀往尤資以勵後史中之方志及經中之國風皆爲垂教於久遠不僅備覽於一時三台之志其盛也志其盛者將以斬祝後之永盛也九區之幅員較諸國土廿八鄉之戶籍較諸國民誠可謂微乎杳矣惟是世局之遷革政象之演變每萌芽於偏隅而拓展於國家影響於時代今之所謂潮流昔之所謂風氣皆因微而致顯迎新而替故此蓋證之於已往者數千載卜之於未來者億萬世而未能改其迹且不可易其例然則三台之志匪獨志其盛並以志其新志其已往之新者將以斬祝未來之益新也頌公軍長屯戍於川西北者有

三台縣志序

三台新民印刷公司代印

年善審沉潛制動之幾民以少休復悉精勦策進之道俗以漸化其於事業之經營建設之籌計咸以三台肇其端而樹其範以爲列縣之繩楷特先後佐掌軍府屯務政務及政治訓練之事近復承乏川北運副簿書餘暇輒與邦人僚友講論諸誼其有以副頌公求治之意而鑒者研治望之心舉凡習俗之沿革政教之隆替人文之升降物質之盈虛必求其知而探其詳庶幾一措一舉始得所取一治一亂始得所判一張一弛始得所指一質一文始得所徵一興一敗始得所戒一因一革始得所則適三台知事謝天民君與縣士紳纂縣志成持示其書正特生之所願觀索爲之叙又特生之所欲言爰乃欣然起舞誠不知樂之何從也中山政論今以縣志爲初基百里雷封古視縣官爲重選謀盛其國者必盛其縣謀新其國者必新其縣考縣之歷史而決改進之方策則有所本原而推行盡

利考縣之成事而定設施之計略則有所根據而安固不搖斯二者政之要治之本而亦志之效也翹企於三台之新治者孰不樂觀於縣志之完成其爲快慰又寧獨特生一人之私耶

中華民國十八年十一月簡陽蔣特生序於川北鹽運副使公署

三台縣志序

三

三台新民印刷公司代印

三台縣志序

方志昉於史史志又昉於班孟堅之易八書爲十志務宗慎覈者也方志之爲書要於山川人物典章風俗文藝草木靡弗詳覈蔣以規古今升降之跡蓋自古有治人無治法故一因革也其兆見於數十年以前而利病迥判於數十年以後一舉廢也其端發於數百里以內而推暨遂極於數千里之遠或行於古而必不可行於今或宜於此而不必盡宜於彼時異勢殊物境變遷所謂代謝遞嬗遂成世運之轉移乎傳曰言之無文行而不遠嘗博考志乘之書矣元豐九域於鄉鎮之名土貢之賦基詳方輿勝覽於古蹟文字之外關塞險要獨略識者以判優劣焉論者謂方志之失古法自是書始餘如范成大吳郡志朱長文圖經續志高似孫刻錄常棠澈水志周應合景定建康志體裁詳雅皆宋志善本又若元之馮復京

三台縣志序

四

三台新民印刷公司代印

大德昌國州圖志袁稱延祐四明志于欽齊乘明之王鏊姑蘇志姚虞嶺海輿圖董斯張吳興備志康海武功志韓邦靖朝邑志雖不無遺議要之大體俱在各有獨到著賢終有典型三台爲潼川府治首邑繼改稱縣政府綜兵農禮樂財賦教育而益以建設地當川北要道在唐爲東川節度使駐地屹然稱重鎮山川清淑人物翔茂風俗敦龐樸質民勤於事繭絲冠全蜀利溥天下及於海外焉余蒞治以來值訓政伊始多所興作徵納至重愧不能與民休息縣志告成邦人士持示請序絳灌無文曷足語此惟職責所寄適當因革遞嬗爰於案牘暇詳閱參訂考證舊籍雖不能博洽精詳合於史志才識學三者之備而愚意務以慎覈爲宗以斬合於史法期裨適用又非徒徵一邑之文獻焉然則是書實亦從政之嚆矢也夫
中華民國十九年歲次庚午長至節三台縣縣長什邡甘梯雲敬序

三台縣志序 (二)

通中國二十一行省各有志而湖北省志爲第一通四川百五十餘縣縣各有志而富順縣志爲最佳前清張文襄公之言如此予則謂周官小史掌邦國之志外史掌四方之志卽今郡邑之志是也而邑志卽省志所託始夫縣與縣接而爲省省與省接而爲國故一代必有典章文物之設施地方亦各有政教風俗之表著不有記載則無以信今而傳後無所觀感則亦不能興善以戒愆然則有親民之責者視斯志之底成信文獻之有徵其能無慨然於心而奮然以循良自勵哉予以民國十九年三月接三台縣篆縣以山得名在漢爲梓潼郡治之郪縣在唐爲東川節度之梓州董璋顧彥暉之所治理少陵李義山之所遊詠賢豪所至山川生色民國成立去府存縣田公適建節於此爲二十六縣之領袖儼然一大都會

三台縣志序

五

三台新民印刷公司代印

也邦人士經兵燹懼遺忘哀集成志就正於予予不忍拂邦人意暇時參閱考核大體就緒已於民國庚午序述全志之崖略然而猶更有說焉夫天下之有志皆權輿於班固漢書地理志其卽夏之禹貢周之職方乎乃漢之地里自郡國以下止載戶口縣邑禹貢九州以下止載山川暨壤之色賦之等物產之貢職方十二州止載山川藪浸男女多寡其利其穀其粟近世天下之志則自沿革形勝賦役物產而外兼載學校人物選舉秩官禮俗藝文諸大事罔不備具故使人一覽而周知五方之地形饒瘠奢侈漓樸政體之變易局署之存毀慈善實業之廢修莫不燭照而數計卽如路政昔重橋梁今則商業交通盛衰宜資比賽經政古稱述略今則票選科學名實且有異同他如水利農田額徵已變防地團練區域亦殊金石多晚出之編記載以收羅益富土產有特殊之品供求視時世轉移凡

厥變遷條分縷析不特可備省志采擇卽將來民國一統志成亦得所依據甚矣縣志之所關大也予樂觀厥成爰再志其大略如此當今歐風東漸數典忘祖之譏撫是編時存扶衰救弊之心潛移默化隱示軌塗安見薰陶漸染不有豪傑魁儒硯士挺生其間接踵而起以增志乘之光是所望於邦人君子

中華民國二十年歲次辛未花朝日三台縣縣長什那德龍甘梯雲再撰

三台縣志序

六

三台新民印刷公司代印

三台縣志

原敘

嘉慶 原志序 二編

古者邦國皆有史卽今省志郡縣志所由昉也其體例則白班孟堅漢書十志始今天下書同文矣志寧不然然其從同者特分野疆域風土古跡數事自古自今不易而其不能始終從同者則學校選舉職官戶口建置沿革與夫忠孝節義之積久而增是非十年一修數十年一修其不至於遠而無徵沒而不彰也幾希三台古無是邑雍正十二年陞潼川州爲府始以三台山之名名縣而附郭焉地卽郭潛古治考常璩華陽國志沈立蜀江志王寬古涪志所載不過存什一千千伯卽康熙二十六年劉柱九所纂潼川州志亦覺掛漏閱五十二年吳門鄭尊卨

三台縣志

原敘

七

三台新民印刷公司代印

大令起而修之三台始有縣志今又歷三十年其間選舉學校職官戶口建置沿革之可供考覈與夫忠孝節義之生人感奮者更難更僕數歲壬申蜀方伯方有堂先生修四川通志徵各郡縣志三台沈硯怡明府以八詠之才擅三長之美徵文考獻遠探近諏不數月而勒成是編問序於余余喜其分門別類綱舉目張且深得古良史文直事該不虛美不隱惡之遺意可使後之覽者學日以博志日以興而備太史輶軒之採也于是乎書時嘉慶癸丑長至賜進士出身知潼川府事湘潭張世濂撰

三台古潼川州也國朝雍正十二年州升爲府卽以其地爲附郭首邑城之西有山曰三台因命名焉初無所謂志也乾隆丙午前令吳門鄭尊卨始採潼川州志輯爲三台縣志以土地人民政事爲綱以山川人

物諸條爲目立意雖新不無罣漏至於今三十年矣嘉慶壬申方伯有堂先生重修四川省志徵郡縣各呈其志以備采取恐其雜而無章也示之以條目詔之以規格詳且備焉余曰賢者志其大不賢者志其小縣之有志猶邦國之有史也此有司之責何可諉爲異人任爰於簿書之暇杜門謝客分析舊志重加編訂凡闕者補之訛者正之繁者刪之若三十年中之新事則慎選公正紳耆分司采訪取確有證據或親知而灼見者因類續入三閱月而彙輯成編其間匹夫匹婦但有一節可取足以維持世道人心者概不之泯則又上體盛朝善善從長之意也特是風塵俗吏無作史才要惟據事直書不假修飾以期傳信於將來用供上官之采擇耳脫稿後適以計入都癸酉春旋任邑之人土請付梨棗因綴數言於簡首云嘉慶二十年歲次乙亥十二月望秀水沈昭

三台縣志

原敘

八

三台新民印刷公司代印

興撰并書

三台縣志

乾隆 原志序 二篇

乙巳之冬予輯郡志既成適有錦江之役呈質各憲咸蒙許可乃謂首邑鄭明府曰梓州八屬他縣之志舊編闕略固應亟修惟三台一縣自雍正十二年添設以來又五十餘年無志可考獨不念夫今之志卽古郡國史也援古者資史記論物者本漢書古之人汲于載記而不遺餘力者蓋事弗著而無稽世有傳而可據若一邑之山川景物政事人文爲采風者所必錄矧三邑係郾涪古治地卽梓州毓秀鍾靈英賢炳蔚科第如蘇乾菴湯一川後先輝映流寓如杜少陵李青蓮芳躅同臨忠義如景思忠王干城禦賊捐軀節烈如文季姜楊賽姑冰霜矢志山川有雲台琴泉之奇秀古蹟有草堂山寺之清幽凡郡志所未詳宜廣搜

三台縣志

原志序

九

三台新民印刷公司代印

而備載是三邑之志實與郡志相輔以行視他志更不容緩也鄭君唯唯稱善復遴擇紳耆諮諏採訪予於披裘呵凍斗室圍爐之時與二三僚友精覈考衷分纂定稿甫兩月而彙輯成編愧余非良史才豈能如陳壽著舊傳李膺益州記常璩華陽國志之各成一家言自謂提綱挈領微獻考文但求備一邑之信史足矣予故樂得而爲之序乾隆丙午首春月之下澣梓州太守長洲張松孫勵堂氏撰

國必有史凡一朝幅員之廣狹典禮之輝煌人才之炳蔚戶口之殷繁與夫一時之士俗民情以逮忠臣孝子義夫節婦莫不職在太史氏以成大一統之規顧國史采之省志省志采之郡志郡志采之邑志國不可以無史而謂邑可以無志乎哉我國朝列聖相承重熙累洽車書大同累奉綸音敕取省志上之史館以備披覽而潼屬僅列直隸州後自

雍正十二年陞州爲府添設三台首邑踰半百年志乘缺如無以應輶軒之采此亦從來當事者之因循也

於癸卯春承乏三邑有志於斯得前州尊劉柱九氏康熙二十六年所纂潼川州志六冊讀之無論兵燹之餘搜羅掛漏迄今又承平百載其間田野日以闢禮制日以詳官司日以更科第日以盛丁口日以增風土習俗日以華忠孝節義日以夥非廣搜博訪無以成書竊躊躇焉會郡伯張公于是秋奉天子命來守潼川淵源家學具燕許手筆至卽以郡邑志爲己任兩年來興廢舉墜不遺餘力敷政之暇網羅舊典蒐輯遺文提綱分目不數月而府志成又兩閱月而三台縣志成既自爲之敘以紀緣起復俾綴數語于後斯役也志焉未逮茲得附名簡末誠厚幸矣將見近之可供省志之蒐羅遠之可備一統志之采擇其所以黼黻盛明之治者豈淺鮮哉

三台縣志

原志序

十

三台新民印刷公司代印

乾隆五十一年歲次丙午建寅月知三台縣事吳門鄭蕪謹序

新修三台縣志官紳題名

鑒定

國民革命軍第二十九軍軍長田頌堯

國民革命軍第二十九軍軍司令部政務廳長蔣特生

局長

前三台縣知事林志茂

前三台縣知事謝 勤

前任三台知事陶夢雲

現任三台縣政府縣長甘梯雲

總纂

三台縣知事謝 勤

三台縣志

官紳題名

十一

三台新民印刷公司代印

三台縣知事陶夢雲

三台縣縣長甘梯雲

協纂

張樹勳

趙毓瑛

分纂

蕭先炆

李承祖

陸 海

譚煥章

江郁賢

張成德

採訪

蕭維藩

呂人杰

王伯佑

王 宣

譚煥章 均邑人

張樹勳

鄧亭午

譚殷琨 均邑人

趙毓瑛

譚貴瓊

戴仁軒

廖 良

王子端

張放欽

廖子清

陳彥昭

李 燮

羅濟川

景君山

銀饒峯

左海瀾

孫二善

羅 增

宋霽初

李達泗

吳道從

左翼如

李春海

羅守衡

章選清

林建勳

陳宗棣

袁守燮

賴澤潤

羅復周

賴廷寶

羅贊臣

許紹謙

王立先

羅濬文

何采三

張海清

趙仲和

陳嗣延

吳胥卿

吳紹猷

韓天成

羊文軒

楊聯芬

楊伯麟

何光斗

林介勳

陳雨三

歐陽昭

廖秉炎

歐陽春如

王秉南

趙丹森

三台縣志

官紳題名

十二

三台新民印刷公司代印

李天彝

謝理菴

馬文軒

李輔中

吳培根

王少輿

戴廣懷

劉香山

張洪楮

陳膺五

葉蔭棠

王鳳儀

劉玉章

譚治臣

周丕猷

李龍如

李暉吉

馮大鈞

劉釗培

白秀夫

戴贊廷

李綏之

譚伯龍

翼翰臣

周大章

韓雲章

王梓材

劉聖泉

趙堯燮

趙繼孟

張明三

龐仲瑤

古仲伊

向正仁

趙用中

楊理卿

王選卿

謝微蘭

鍾山甫

武繩祖

袁守烈

譚祖誼

王德春

查卷

卿敬儒

校勘

袁守燮

校字

黃鴻銓

測圖

霍新吾

文楨

鍾嘉璧

庶粉

三台縣志

官紳題名

十三

三台新民印刷公司代印

呂弗堂

趙堯葵

新修三台縣志

例言

一方志家體例多本漢書大同小異茲編仿省通志例并參酌府志例都爲十門臚分綱目并每事標題綴以說明俾有條不紊閱者一覽瞭然

一各門事蹟舊縣志及新府志搜羅宏富似不應重載然新志存而舊志往往遺失如府志及縣志已纂修數次今皆鮮有存者若不編入恐反失前人之苦心今復考證諸書及近時採訪有可增入者補其闕略其登錄舊志原文則一一註明以前人苦心所在不敢沒也

一涪城本涪縣屬地後分爲二涪卽今之縣陽涪城卽三台所屬之涪城壩古蹟猶有存者考漢建安十七年劉主遣黃忠等越梓潼進據

三台縣志

例言

十四

三台新民印刷公司代印

涪城十八年劉璋遣劉瑣等拒劉主於涪涪與涪城一時并見於史册考華陽國志涪屬梓潼郡至晉易名綿州晉寧康元年秦楊安攻梓潼太守周虓守涪城益州刺史周仲孫勒兵至綿州是涪已易名而涪城猶存南宋劉甲謂唐以前稱涪者卽今之綿州而涪城仍係三台舊地不可混也是編凡唐以前涪縣事蹟概不列載惟稱涪城事蹟應與郫縣同列蓋今之三台是割古之郫與涪城兩縣地而成此疆域也

一廣漢郡高帝六年置屬縣八本治緄鄉安帝永和中陰平漢中羌反元和二年移涪後治雒城見華陽國志至晉時廣漢郡治移於今之遂寧并置廣漢縣見通志凡傳志稱廣漢人有係廣漢縣人者以縣與郡同名故不復稱郡也郫屬廣漢故傳志多稱廣漢郫人然考華陽國

志李業梓潼人也董扶綿竹人也皆稱廣漢人如此類者甚多亦有始稱郡人後復稱廣漢人者如王堂王商王化等皆前後互異今證之他史必實係郡人始能列入

一梓潼郡本廣漢屬地建安二十二年分廣漢置梓潼郡并置梓潼縣鄭縣仍屬廣漢劉甲謂唐以前稱梓潼者卽今之隆慶其事蹟與三台毫無關係惟唐天寶元年改梓州爲梓潼郡乾元元年復爲梓州其間稱梓潼者不過十六七年宋初亦稱梓州梓潼郡劍南東川節度使至乾德四年改靜容軍其間稱梓州梓潼郡者不過數年是唐以前稱梓潼者卽今之梓潼縣唐宋時稱梓潼郡者爲時無幾今徵之唐史宋史必實稱梓潼郡之事蹟始能列入其餘概不列入

一欲謀政治建設於區鎮山川隄堰津梁固宜考察明確至關隘砦堡

三台縣志

例言

十五

三台新民印刷公司代印

爲閭邑險要亦未可視爲緩圖茲皆詳爲編定不敢貽畢漏之譏

一寺觀古蹟爲名勝所關方志家所不廢也至荒邱廢家人亡名存亦關掌故茲悉附輿地志

一方志家多立建置專門而以城池公署祠廟之屬歸之茲依府志例悉併於輿地門以省紛繁

一星野之說考諸歷代史籍精其術者不無徵驗一邑之地甚小上應天文固難確指然列國宋衛陳鄭之小與一邑無殊所言災異絲毫不爽今仍仿富順縣志例附分野于疆域後以備參考

一人物一門舊縣志及府志所載概登錄之新採訪者必查其懿行足式年例相符始行編入

一割股刲肝事近毀傷然愚夫愚婦一念之誠善善從長亦可節取至

忠義之士以死勤事改造共和以來尤多可紀茲編分別記載不敢遺亦不敢濫

一列女有節烈貞孝之分他志多未區別茲特分類記載用清眉目

一邑自漢晉以來代有賢達茲仿府志例擇其尤者列入鄉賢其他一切善行則統入行誼至其人現在雖卓有可傳概不敢登以蓋棺論定乃彰公道義固不容混也

一有田則有賦有身則有役田賦之制爲國所重今古同然他志多立賦役專門茲統于食貨而以倉儲鹽法茶法錢法物產次之係通志例

一清遵義府志與近時劍閣縣志年紀事紀門皆詳言兵事民國以來川多內訌除兵事外殊妙可書梓州形勢扼兩川之吭爲用兵者所

三台縣志

例言

十六

三台新民印刷公司代印

必爭故紀兵事加詳而括兵制於事紀中見近年兵事多由兵無定制也

一舊縣志有武功而無團今依府志例列團練於兵事後與省通志以軍制屬官政以團防爲民職者似有出入然於軍團一體之義實不相衝突且隱寓兵出於民制同歐美之意

一驛傳舖遞清代久已廢弛民國兵事此項設施專屬於兵事郵便與遞步哨兵罷卽取銷故併二項於紀事中不與交通類相混

一府職官併入縣志者因三台與府同城與他縣殊昔李西溫云順治初年四川惟保寧先入版圖當時重兵駐閬中所有領兵大臣及巡撫司道皆駐閬中其黨禍之深閬中既先被之而其遺愛之長令閬中人獨能述之凡此之政績彰彰者均於閬中附郭府志載之縣志

亦不得而遺之也茲依此例並非濫入

一志所以考古證今茲編於選舉學校二門舊制新章均依次登入不得謂時異勢殊往往可從缺畧

一選舉志文武兩途祇列姓名其有稱者入人物志

一藝文肇自班固祇存書目後世濫收詩文殊失體裁茲取其有關山川風土足示勸懲於人者或附於各條之下或載於文徵之中惟風雲月露等篇雖佳不錄

一文徵一類前此操選家沿昭明不收何遜之例生存人文概不錄自嘉陵文徵集徵處以興起人文為主破除此例人存而文可傳亦備采輯茲編因之且間有用遵義富順志例采入本局纂修人之作者因文以紀事不得不然也

三台縣志

例言

十七

三台新民印刷公司代印

- 一府志於前代人物史策有本傳者全錄近人則祇能仿武功志例撮載大節總括生平茲編文徵類于家傳墓志可信今而傳後者亦畧有采錄以爲文獻足徵不嫌贅載
- 一金石之學鄭氏列諸通志所以爲考古之資也茲列入藝文門與他志附於輿地雖有出入而門類較覺相近
- 一祀典自民國以來迭有變更其廢興之年代事由不能不詳細注明以備參考惟他志多列祀典等門茲併入禮俗門而以典禮宗教風俗次之係省通志例
- 一府志不列仙佛而散見於軼事以其游心世外無關志體也然省志人物列有釋道民國信教自由似不能一概屏棄從舊縣志例輯爲一類詳畧之處與宗教相表裏

一軼事所以廣搜羅資博覽卽昔之黃車使者巡行邦國徧采異聞登之著錄之義也一邑逸事搜采無多若仿通志雜類志以紀聞紀事外紀各爲一冊則瑣屑而不成卷軼故合祥異道釋爲一門以終焉一縣志自嘉慶修纂後百有餘年代遠年湮人物事蹟多不可考加以反正後各畧文卷損失殆盡稽考更難茲雖遠采旁諏究亦未敢自信若欲美善兼盡無一毫錯誤遺漏尙俟博雅

三台縣志

例言

十八

三台新民印刷公司代印

新修三台縣志總目

- 輿地志第一
人物志第二
食貨志第三
武備志第四
職官志第五
學校志第六
選舉志第七
藝文志第八
禮俗志第九
雜志第十

三台縣志

總目

十九

三台新民印刷公司代印

新修三台縣志目錄

第一卷

輿地志一

沿革 輿圖 疆域 形勢 城池 公署 坊表 交通

建築 區鎮

第二卷

輿地志二

山川 隄堰 關隘 津梁

第三卷

輿地志三

祠廟 塚墓

三台縣志

目錄

二十

三台新民印刷公司代印

第四卷

輿地志四

寺觀

第五卷

輿地志五

古蹟

第六卷

人物志一

鄉賢

第七卷

人物志二

孝友

第八卷

人物志三

忠義 行誼 義夫 耆壽

第九卷

人物志四

隱逸 流寓 方技

第十卷

人物志五

節孝

第十一卷

三台縣志 目錄

二十一 三台新民印刷公司代印

人物志六

賢婦 孝女婦 貞女 烈女 烈婦

第十二卷

食貨志一

戶口 田賦 雜捐 蠲政 賑務 各項慈善事業 倉儲 鹽法

茶法 錢法

第十三卷

食貨志二

物產

第十四卷

武備志

兵事上 兵事下 團練

第十五卷

職官志一

題名

第十六卷

職官志二

宦績 忠節

第十七卷

學校志一

文廟 學額 書院

第十八卷

三台縣志 目錄

二十二 三台新民印刷公司代印

學校志二

學校 學社 學田

第十九卷

選舉志

武文進士 武文舉人 五貢 封蔭 武文仕宦 高等以上學校畢業 議員

第二十卷

藝文志一

典籍目錄

第二十一卷

藝文志二

金石

第二十二卷

藝文志三

文徵上

第二十三卷

藝文志四

文徵下

第二十四卷

禮俗志一

祀典 典禮

第二十五卷

禮俗志二

三台縣志

目錄

二十三 三台新民印刷公司代印

宗教 風俗 節序

第二十六卷

雜志

祥異 釋道 軼事

三台縣志卷一

輿地志一

沿革

三台縣境古之郡縣涪城縣地而此縣城故兩縣治並詳志之

三台古梁州城歷唐虞夏商周爲蜀國地秦屬蜀郡漢高帝分巴置廣漢郡郡縣屬焉東漢因之

〔華陽國志〕廣漢郡高帝六年置前漢志廣漢郡領縣十三後漢志廣

漢郡領縣十一郡縣均屬廣漢按縣志在今縣南百里臨江郡王城基址尙存郡爲江名以此名縣猶梓州潼川以梓潼水名也

蜀漢分廣漢置梓潼郡郡縣仍隸廣漢

〔華陽國志〕建安二十二年劉先主分廣漢置梓潼郡廣漢領縣八郡縣屬焉

三台縣志

卷一

三台新民印刷公司代印

晉武帝改郡縣爲北伍城縣晉惠帝分涪縣地置涪城縣

〔沈約宋書州郡志〕晉武帝咸寧四年改郡縣爲北伍城縣分屬廣漢郡〔縣志〕表晉惠帝元康六年分涪縣地置涪城縣屬梓潼郡〔按〕高帝六年析巴郡別立涪縣

沈約州郡志歷後漢蜀漢皆無改易自晉惠帝分涪縣地置涪城縣已化爲兩邑涪縣則自蜀漢分置梓潼郡西

魏置潼川改縣曰巴西隋開皇五年改爲縣州煬帝改爲金山郡復改涪爲巴西縣唐武德元年改爲縣州治巴西劉甲謂唐以前稱涪者今

之縣州是也自晉惠帝分涪置涪城縣後東晉於縣置始平郡西魏改郡爲涪城及潼縣後周又改曰安城隋開皇初廢郡改縣曰安城十六

年改爲涪城大歷十三年割屬梓州其縣治卽今邑北之涪城壩古跡尙存不可易也但涪亦有稱涪城者水經注漢安帝永和二年移治涪